

СЛУЖБА ОБЩА СВЯТЫХ ОТЕЦ НА СОБОРЫ

Поем в неделю седмую по Пасце: И иулиа в 16 день, по памяти святого священномученика Афиногена: И октовриа в 11, по памяти святого апостола Филиппа.

В субботу вечера, на Господи воззвах, стихиры, глас 6.

Подобен: Отчаянная:

Из чрева родился еси прежде денницы, / от Отца безматерен прежде век, / аще и Арий тварь Тя, / а не Бога славит, / дерзостию смешая Тя Зиждителя тварем безумно, / вещество огня вечнаго себе сокровиществуяй: / но собор, иже в Nikeи, / Сына Божия Тя проповеда, / Господи, Отцу и Духу Сопрестольна.

Кто Твою, Спасе, ризу раздра; / Арий, Ты рекл еси, / иже Троицы пресече единачестное начало в разделения, / сей отверже Тя быти Единаго от Троицы: / сей и Нестория учит / Богородицу не глаголати. / но собор, иже в Nikeи, / Сына Божия Тя проповеда, / Господи, Отцу и Духу Сопрестольна.

В брег падает греха, / Арий возненавидевый света видети, / и Божественною растерзается / удицею внутренних, / все издати существо и душу нужно, / другой Иуда быв нравом и образом. / но собор, иже в Nikeи, / Сына Божия Тя проповеда, / Господи, Отцу и Духу Сопрестольна.

Арий безумный Пресвятая Троицы / пресече единачалие / в три беззаконная же и несрасленная существа. / темже отцы богоноснии сошедшеся усердно, / ревностию разжизаеми, / якоже Фесвитянин Илиа, / духовным посекают мечем, / студу научившаго хульника, / якоже Дух вещаше.

Слава, глас 6.

Таинственныя днесь Духа трубы, / богоносныя отцы восхвалим, / песнопевшыя посреде церкви, / песнь сличную богословия, / Троицу Едину Непременную, / Существо же и Божество, / низложители Ариевы и православных поборники, / молящияся всегда Господу / помиловатися душам нашим.

И ныне, Богородичен:

Кто Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощся: / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, / помиловатися душам нашим.

Вход. Прокимен дне.

Бытия чтение. [Глава 14].

Слышав Аврам, яко пленен бысть Лот братаничь его, сочте своих си домочадец триста и осмьнадесять, и погна во след их даже до Дана. И нападе на ня нощию сам, и отроцы его с ним: и порази их, и гони их до Ховала, еже есть ошуюю Дамаска. И возврати всякаго коня Содомскаго, и Лота братанича своего возврати, и вся имения его, и жены и люди. Изыде же царь Содомский в сретение ему, повнегда братитися ему от сеча Ходолло-гоморскаго, и с царьми иже с ним, во удолю Савин: сие же бяше поле царево. И Мелхиседек царь Салимский изнесе хлебы и вино: бяше же священник Бога Вышняго. И благослови Аврама и рече: благословен Аврам Богом Вышним, Иже созда небо и землю: и благословен Бог Вышний, Иже предаде враги своя под руки тебе.

Второго закона чтение [глава 1].

Во днех оных, рече Моисей к сыном Израилевым: видите, предах пред лицом вашим землю: вшедше наследуйте землю, юже клятся Господь отцем вашим, Аврааму и Исааку и Иакову дати им, и семени их по них. И рекох к вам во время оно, глаголя: не возмогу един водити вас. Господь Бог наш умножил вы есть, и се есте днесь яко звезды небесныя множеством. Господь Бог отец ваших да приложит вам, яко да будете тысящами сугубо, и да благословит вас, якоже глагола вам. И взях от вас мужи мудры, и сведомы, и смысленны, и поставих их владети над вами тысященачальники, и стоначальники, и пятидесятоначальники, и десятоначальники и писмоводители судиям вашим. И заповедах судиям вашим во время оно, глаголя: разслушайте посреде братий ваших, и судите праведно посреде мужа, и посреде брата его и посреде пришельца его. Да не познаете лица в суде, малому и великому судиши, и не устыдишися лица человеческа, яко суд Божий есть.

Второго закона чтение. [Глава 10].

Во днех оных, рече Моисей к сыном Израилевым: Се Господа Бога Твоего Небо, и Небо Небесе, земля и вся елика суть на ней. Обаче отцы ваша произволи Господь любити я: и избра семя их по них вас паче всех язык, в день сей. И обрежете жестокосердие ваше, и выя ваша не ожесточите ктому. Ибо Господь Бог наш, сей Бог богов, и Господь господей: Бог Великий и Крепкий, и Страшный, Иже не дивится лицу, ниже возьмет дар. Творяй суд пришельцу, и сироте и вдове, и любит пришельца, дати ему хлеб и ризу. И возлюбите пришельца, пришельцы бо бесте в земли Египетстей. Господа Бога твоего да убоишися, и Тому Единому послужиши, и к Нему прилепишися, и Именем Его кленешися. Той хвала Твоя, и Той Бог твой, Иже сотвори тебе великая и славная сия, яже видесте очи твои.

На литии стихира храма. Слава, глас 3:

Апостольских преданий известнии хранителие бысте святии отцы: Святяя бо Троицы Единосущное, православно проповедаваше, Ариево хуление соборне низложиште, с нимже и Македония духоборца обличивше, осудисте Нестория, Евтвхиа и Диоскора, Савеллия же и Севира безглавнаго: ихже прелести избавитися нам испросите, нескверну нашему житию в вере сохранитися, молимся.

И ныне, Богородичен:

Без семене от Божественнаго Духа, / волею же Отчею зачала еси Сына Божия, / от Отца без матере прежде век суща: / нас же ради, из Тебе без отца бывша, / плотию родила еси, / и Младенца млеко питала еси. / Темже не престай молити, / избавитися от вед душам нашим.

На стиховне Октоиха.

Слава, отцем, глас 4:

Молебную память днесь богоносных отцев, от всея вселенныя собравшихся, во светлем граде Никейстем православных собрания, благочестующе верно празднуем: сии бо лютаго Ариа безбожное веление благочестномудренне низложиша, и от соборныя Церкви соборне того изгнаша: и ясно Сына Божия Единосущна и Соприсносущна прежде век суща, всех научиша исповедати, во изображении веры известно и благочестно сие изложивше. темже и мы Божественным их повелением последствующе, известно верующе служим, со Отцем Сыну, и Духу Всесвятому во Едином Божестве, Троицы Единосущней.

И ныне, Богородичен:

Призри на моления Твоих раб, / Всенепорочная, / утоляющи лютая на ны востания, / всякия скорби нас изменяющи. / Тя бо Едину, твердое и известное Утверждение имамы, / и Твое предстательство стяжахом, / да не постыдимся, Владычице, / Тя призывающи, потщися на умоление Тебе верно вопиющих: / радуйся, Владычице, / всех Помоще, Радосте и Покрове, / и Спасение душ наших.

На благословении хлебов:

Тропарь: Богородице Дево: [Дважды.]

И отцев, глас 8:

Препрославлен еси, Христе Боже наш, / светила на земли отцы наша основавый, / и теми ко истинней вере вся ны наставивый: / Многоблагуотробне, слава Тебе.
[Единожды]

НА УТРЕНИ,

на Бог Господь, тропарь воскресен дважды.

Слава, отцев.

И ныне, Богородичен:

Иже нас ради Рождейся:

По кафисмах седальны Октоиха.

Канон воскресен со ирмосом на 4, и крестовоскресен на 2, и Богородице на 2, и отцев на 6. [Творение священного и вселенского патриарха кир Германа.] Глас

6.

Песнь 1.

Ирмос: Яко по суху пешешествовав Израиль, / по бездне стопами, / гонителя фараона / видя потопляема, / Богу / победную песнь / поим, вопияше.

Иже от Nikeи, якоже от некоего небесе, всюду возгремевше слово Живаго Отца, и сего показавше враги громом избиены, священными словесы да почтутся.

Духоборцев дух лукавый, Святым Духом Христос от Своея Церкви далече отгна, вторым действием собора совокупив.

Христорбца прелесть изгна Нестория, Кирилл собора начальник, иже ясно Деву Марию исповеда Богу Матерь Чистую.

Богородичен: Несозданныя Троицы Единого Христа во двою естеству и хотению, Чистая, раждаши, соединение человеком и ангелом Тебе ради Соделавшаго.

Песнь 3.

Ирмос: Несть свят, якоже Ты / Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

Твари служитель явлься Арий безумный, и Македоний паки мерзок явлься в геенне огненной равно мучатся со еллина.

Седмию соборы священными святых отец честную Церковь уяснил еси, Христе, якоже седмим светильник светом прелести тму прогнав далече.

Стадо Твое, Слове, погубляет многообразная краста еретиков: пастьере же Твоих словесных овец учением сие премениша.

Богородичен: Единого родила еси, Пречистая, от Несозданныя Троицы, во двою существу и хотению: Егоже образу честному поклоняемся благодати исполняеми.

Кондак и икос воскресен.

Таже седален отцев, глас 4.

Подобен: Скоро предвари:

Светильницы пресветлии истины Христовы міру явистеся на земли, воистинну блаженнейшии, отцы боговещаннии, изсушивше ереси хульных языковредий, и угасивше пламеновидная злославных смущения. Темже яко святителие Христовы, молитесь спастися нам. **[Дважды]**

Слава, и ныне, Богородичен:

Обновила еси, Чистая, Божественным Рождеством Твоим, истлевшее во страстех земнородных мертвенное существо, и воздвигла еси вся от смерти к животу нетления. Темже Тя по долгу блажим вси, Дево Препрославленная, якоже прорекла еси.

Песнь 4.

Ирмос: Христос моя Сила, / Бог и Господь, / честная Церковь / боголепно поет взывающи, / от смысла чиста / о Господе празднующи.

Врази Твои возшумеша, и ненавидящи Тя главу воздвигоша, Спасе, в мале, но абие падоша не терпяще гласа труб духовных.

Солнца солнцы сугубо озариша, Сын и Дух от Отца, несозданни, собезначальни: обоим Отец Един виновен веруется.

Седмь убо духов, иже почиша на Христе, Исаиа сие рече: на седмих же соборех почи Христос, со Отцем и Божественным Духом.

Богородичен: Бога родила еси плоть носившаго от чистых Твоих кровей, Отроковице Чистая: Егоже сугуба Естеством, во Упостаси же Единой, отцы проповедаша.

Песнь 5.

Ирмос: Божиим светом Твоим, Блаже, / утреннюющих Ти души / любовь озари, молюся, / Тя ведети, Слове Божий, / Истиннаго Бога, / от мрака греховнаго взывающа.

Божественный виноград Христов, иже от Егвпта пренесен, темнаго отчаянна губителя зверие первее поядашу: пращею же святых отец далече отгнашася.

Божественным сиянием Трисиянным, ум просвещше честнии отцы, Единого проповедаша Честныя Троицы Христа Господа, сугуба естества и хотении.

Троицен: В вещных, якоже в серафимских мудрыми отцы, о Троице, Церковь онебесися, Трисвятую песнь присно Тебе поющи, собирает Троическое Твое Единое Божество.

Богородичен: Мати и раба Твоего Сына была еси, Чистая: ибо Иже из Тебе прежде Тебе баше, яко Содетель Твой, Егоже во двою Существо познаваем, и соединяем словом Упостасным.

Песнь 6.

Ирмос: Житейское море, воздвигаемое зря / напастей бурею, / к тихому пристанищу Твоему притек, вопию Ти: / возведи от тли живот мой, / Многомилостиве.

Бог богов Господь, Давид прежде воспев глагола, и призва от восток, от конец всея земли даже до запад их, вселенския соборы отец назнаменуя.

Седмь столпов утверди премудрость Божия, Твою Церковь, Владыко, седмочисленными соборы священных отец, неуклонну соблюдаему от всяких ересей.

Стыд лица да покрывает Евтиха и Диоскора, слияние буесловящих естества Христова: не в привидении бо, но во обожении естество земнородных прият.

Богородичен: Да возмется Несторий в еврейския темныя соборы, и язык же отсечется хульный: Бога бо роди Дева Мария, плотоноса нам.

Кондак, глас 8.

Подобен: Яко начатки:

Апостол проповедание, и отец догматы, / Церкви единому веру запечатлеша: / яже и ризу носящи истины, / исткану от еже Свыше богословия, / исправляет и славит благочестия великое таинство.

Икос: Высоким проповеданием, Божию Церковь услышим вопиюще: жаждай да грядет ко мне, и пиет чашу, юже держу, чаша есть премудрости, сие питие истины, словом почерпох, воду проливающую не прекословия, но исповедания, юже пия нынешний Израиль, Бога зрит вещающа: видите видите, яко Сам Аз есмь, и не пременяюся: Аз Бог первый, Аз же и по сих, и разве мене несть иного отнюд, отсюду причащающиися, насытятся, и восхвалят благочестия великое таинство.

Песнь 7.

Ирмос: Росодательну убо пещь содела ангел / преподобным отроком, / халдеи же опаляющее веление Божие, / мучителя увеща вопити: / благословен еси, Боже отец наших.

Вавилонскаго убо змия разрази Даниил первее, молитвами же отец просядеся лютый египетский змий, яве Арий, поядающий Христово стадо.

Непощенным нечестием негодова волк Македоний, приразився Духу, обожаящему человеки, и вся банею крещения на первую доброту воображающе верныя.

Диоскор и Евтух, и Севир левиафан, трие сливающие и смешивающие Христова существа смешением умным, к Троице Честней приразишася дерзостию.

Богородичен: Плотскаго Твоего зрака образ, Владыко, честно обლობызаем, и Матере Твоя, и святых всех почестъ ведяще правым помыслом, преходити добре к первообразному.

Песнь 8.

Ирмос: Из пламене преподобным росу источил еси, / и праведнаго жертву водою попалил еси: / вся бо твориши, Христе, токмо еже хотети. / Тя перевозносим во вся веки.

Якоже единого корене отрасли богосадны, Сын и Дух возсиявше: ибо Отец Единовиновен есть, Безлетный Безлетным Лицам Единочестен.

Из чрева невестственна безлетно возсиял еси, Единосущное Слово Отцу и Духу, но нас ради в летнюю вселися вещественную утробу Единия Богородицы.

Разженные стрелы огнем Духовным, в студеная сердца врагов вонзошася еретиков, и на смерть удавиша их совокуплении отец седмочисленных и Божественных.

Богородичен: Не лица Единого Христа славим, не смешением Существа Сего соединяем: Един бо сый и тойже лицом, раздвояется естество, Дево, Твой Сын и Содетель.

Песнь 9.

Ирмос: Бога человеком невозможно видети, / на Негоже не смеют чини ангельстии взирати: / Тобою же Всечистая, явися человеком / Слово воплощено, / Егоже величающе, / с небесными вои Тя ублажаем.

Не подобает приложити, или оставити что священнаго предания православныя нашея веры: в нейже бо верно крестихомся. а иже преложители сея веры, вправду предани будут прещению проклятия.

Радостию сердца вси възграим, священныя соборы отец совокупльше: тех бо ради свет видехом православия. светильницы бо явишася, вся наставляюще к правым учения обретением.

Душам испросим очищение, и благочестно житие препроводити потщимся: яко да причастицы будем святым отцем, иже скрыша правых учений богатство нам чадом их.

Богородичен: Бог от боку Твоею возсия, Мати Божия, и человеческий род обожи, и славы Своя сподоби, и наследники вся показа, иже Тя Богородицу воистинну присно проповедающыя.

Светилен.

Подобен: Жены, услышите:

Отец Божественных днесь память празднующе, моленьми тех молим, Всещедре: всякаго вреда ересей избави люди Твоя, Господи, и вся сподоби Отца, Слово, славити, и Всесвятаго Духа.

Богородичен.

Подобен:

Радуйся, Божия Палато. Радуйся, Горо Присенная. Радуйся, Неопалимая Купино. Радуйся, Престоле славы. Радуйся, Божественная Трапезо. Радуйся, Ручко Всезлатая. Радуйся, Светильниче Всесветлый. Радуйся, легкий Облаче, Дево Мати Марие.

На хвалитех стихиры воскресны 4 и отцев 4. Глас 6.

Подобен: Всю отложивше:

Все собравше* душевное художество,* и Божественным Духом сразсмотривше,* небесный и честный символ веры,* честнии отцы Богописанне начерташа,* в немже явственнейше,* Рождшему Собезначальнаго Слова научают,* и всеистинно Единосущнаго:* апостольским последующе яве учением,* благославнии и пребогати,* воистинну и богомудрии. [Дважды]

Стих: Благословен еси, Господи Боже отец наших, и хвально и прославлено Имя Твое во веки.

Все приемше* умное сияние Святаго Духа,* преестественное благословие,* краткими глаголы и многим разумом,* Богодухновенно провещаша,* яко Христовы проповедницы,* Евангельских предстателие учений блаженнии:* и благочестивых преданий,* свыше приемше сих откровение яве,* и просвещшеся изложиша* веру богонаученную.

Стих: Соберите Ему преподобныя Его.

Все собравше* пастырское искусство,* и ярость подвигше ныне праведнейшую,* отмстительне тяжкия отгнаша и пагубныя волки,* пращею Духа извергше* от церковнаго исполнения,* падшыя яко к смерти,* и яко неисцельно недуговавшыя, Божественнии пастырие,* яко раби истиннейшии Христовы,* и Божественнаго проповедания* таинницы священнейшии.

Слава, глас 8. [Георгия никомидийскаго:]

Святых отцев лик от конец вселенная стекшийся, / Отца, и Сына и Духа Святаго
Едино Существо научиша, / и Естество, и тайну богословия ясно предаша Церкви. /
Ихже похваляюще верою ублажим, глаголюще: / О Божественный полче, /
Богоглаголивии оружницы ополчения Господня! / звезды многосветлыя мысленныя
тверди: / таинственнаго Сиона необоримии столпи: / мвродохновеннии цвети
райстии: / всезлатая уста слова, / Никейская похвало, / вселенная украшение, /
прилежно молитесь о душах наших.

И ныне:

Преблагословенна еси, Богородице Дево:

Славословие великое.

По трисвятом тропарь воскресен точию. Ектении,

И отпуст.

И оглашение студитово. **И** исхождение в притвор. **С**лава, и ныне, стихира
Евангельская, и час 1: и конечный отпуст.

На часех

тропарь воскресен. **С**лава отцев. **И** ныне, богородичен часов.

По **О**тче наш: **К**ондак воскресен.

НА ЛИТУРГИИ,

Блаженна октоиха на 6, и отцев, песнь 3-я, на 4.

1. Твари служитель явлься Арий безумный, и Македоний паки мерзок явлься в геенне огненной равно мучатся со еллины.
2. Седмию соборы священными святых отец честную Церковь уяснил еси, Христе, якоже седмих светильник светом прелести тму прогнав далече.
3. Стадо Твое, Слове, погубляет многообразная краста еретиков: пастырие же Твоих словесных овец учением сие премениша.
4. Единаго родила еси, Пречистая, от Несозданная Троицы, во двою существу и хотению: Егоже образу честному поклоняемся благодати исполняеми.

По входе тропарь воскресен, и отцев.

И отцев, глас 8:

Препрославлен еси, Христе Боже наш, / светила на земли отцы наша основавый, / и теми ко истинней вере вся ны наставивый: / Многоблагоутробне, слава Тебе.

Таже кондак воскресен. Слава, отцев:

Кондак, глас 8.

Апостол проповедание, и отец догматы, / Церкви едину веру запечатлеша: / яже и ризу носящи истины, / исткану от еже Свыше богословия, / исправляет и славит благочестия великое таинство.

И ныне, храма Богородицы, или, Предстательство христиан:

Прокимен гласа:

И отцев песнь, глас 4:

Прокимен: Благословен еси, Господи Боже отец наших, * и хвально и прославлено имя Твое во веки.

Апостол дне, и отцев, ко евреем, зачало 334.

Братіе: Поминайте наставники ваша, иже глаголаша вамъ слово бжїе: иже взирающе на скончаніе жителства, подражайте вѣрѣ (и хъ). Иисъ хрїтосъ вчера и днесь тойже, и во вѣки. **Въ** надречїахъ страна и различна не прилагаетеса: добро во влгтїю оутверждати сердца, (а) не врашны, ѿ нїхже не прїаша пользы ходивши въ нїхъ. **И** мамы (же) олтарь, ѿ негѡже не имѡтъ власти исти слѡжащи сѣни. **И** хже во кровь

животныхъ вносятся во стѣна за грѣхѣи первосвѣщенникомъ, сѣхъ тѣлесѣ сжигаются
внѣ стѣна: тѣмже иисъ, да ѡстѣитъ люди своєю кровію, внѣ вратъ пострадаѣти
изволилъ. **Тѣмже** оубо да исхѡдимъ къ немѣ внѣ стѣна, поношеніе егѡ носѣще: не
имамы во здѣ превывающаго града, но градѣщаго взыскѣемъ. **Тѣмъ** оубо приносимъ
жертвѣ хваленіа вѣнѣ вѣдъ, сѣрѣчь плодъ оустѣнъ исповѣдающихся имени егѡ.
Блготвореніа же ѡ ѡбщѣнѣа не забывайте: таковыми во жертвами блготгождѣется вѣдъ.

Аллилуиа, гласа, и отцев, глас 1: Бог Богов Господь глагола.

Стих: Соберите Ему преподобныя Его.

Евангелие дне, и отцев, Иоанна, зачало 56.

Рече Господь: Оѣе, прїиде часъ: прослѣви сѣа твоегѡ, да ѡ сѣтъ твоѡ прослѣвитъ
тѣа: ѡкоже далъ еси емѣ власть всѣкѣа плѡти, да всѣко, еже далъ еси емѣ, дастъ ѡмъ
животъ вѣчный: сѣ же естъ животъ вѣчный, да знають тебѣ единаго истиннаго вѣа, ѡ
егѡже послѣлъ еси иисъ хрѣта. **Азъ** прослѣвихъ тѣа на земли, дѣло совершихъ, еже далъ
еси мнѣ да сотворю: ѡ нѣтѣ прослѣви мѣа ты, Оѣе, оу тебѣ самогѡ славою, ѡже имѣхъ оу
тебѣ прѣжде мїръ не бысть. **И** вѣхъ ѡма твоеѡ чловѣкъмъ, ѡхже далъ еси мнѣ ѡ мїра:
твоѡ вѣша, ѡ мнѣ ѡхъ далъ еси, ѡ слово твоеѡ сохраниша: нѣтѣ раздѣша, ѡкѡ всѣ,
елѣка далъ еси мнѣ, ѡ тебѣ сѣтъ: ѡкѡ гѣголы, ѡхже далъ еси мнѣ, дахъ ѡмъ, ѡ тѣи
прїаша ѡ раздѣша воистиннѣ, ѡкѡ ѡ тебѣ изыдохъ, ѡ вѣроваша, ѡкѡ ты мѣа
послѣлъ еси. **Азъ** ѡ сѣхъ молю: не ѡ (всѣмъ) мїрѣ молю, но ѡ тѣхъ, ѡхже далъ еси
мнѣ, ѡкѡ твоѡ сѣтъ: ѡ моѡ всѣ твоѡ сѣтъ, ѡ твоѡ моѡ: ѡ прослѣвихъ вѣа нѣхъ: ѡ
ктомѣ нѣсмъ вѣа мїрѣ, ѡ сѣи вѣа мїрѣ сѣтъ, ѡ азъ къ тебѣ градѣ. **Оѣе** стѣый, соблюди
ѡхъ во ѡма твоеѡ, ѡхже далъ еси мнѣ, да вѣдѣтъ едина, ѡкоже (ѡ) мы. егда вѣхъ сѣ
нѣми вѣа мїрѣ, азъ соблюдахъ ѡхъ во ѡма твоеѡ: ѡхже далъ еси мнѣ, сохранихъ, ѡ
никтоже ѡ нѣхъ погѣе, токъмъ сынъ погѣбельный, да свѣдетъ писаніе: нѣтѣ же къ
тебѣ градѣ, ѡ сѣа гѣю вѣа мїрѣ, да ѡмѣтъ радѡсть моѡ испѡненѣ вѣа сѣбѣ. **Азъ** дахъ
ѡмъ слово твоеѡ, ѡ мїръ возненавидѣ ѡхъ, ѡкѡ не сѣтъ ѡ мїра, ѡкоже (ѡ) азъ ѡ мїра
нѣсмъ:

Причащен: Хвалите Господа с небес:

И отцев: Радуйтесь праведнии о Господе.

